

玉函山房輯佚書

玉函山房輯佚書目

補

子編道家類

伊尹書一卷

辛甲書一卷

公子牟子一卷

田子一卷

周田駢

老萊子一卷

黔婁子一卷

鄭長者書一卷

任子道論一卷

魏任嘏

洞極真經一卷

魏關朗

唐子一卷

吳唐滂

蘇子一卷

晉蘇彥

陸子一卷

晉陸雲

杜氏幽求新書一卷

晉杜夷

孫子一卷

晉孫綽

苻子一卷

晉苻朗

少子一卷

南齊張融

夷夏論一卷

南齊顧歡

法家類

申子一卷

周申不害

鼂氏新書一卷

漢鼂錯

崔氏政論一卷

後漢崔實

劉氏政論一卷

魏劉廙

阮子政論一卷

魏阮武

世要論一卷

魏桓範

陳子要言一卷

吳陳融

名家類

惠子一卷

周惠施

士緯一卷

吳姚信

墨家類

史佚書一卷

田俀子一卷

隨巢子一卷

胡非子一卷

纏子一卷

申子一卷周申不害撰不害京人故鄭之賤臣學術以干韓昭侯昭侯用爲相史記與老莊韓非同傳傳言申子之學本於黃老而主刑名著書二篇號曰申子漢志法家申子六篇七錄云三卷隋志云梁有申子三卷韓相申不害撰亡唐志復以三卷著目今佚馬總意林引六節首有劉向一節是七略別錄語他皆脫略不全茲更搜輯合二十四節劉向節與史記本傳並附錄篇後戰國策載申子三事一爲成子從趙謂之曰子以韓重我於趙請以趙重子於韓一爲

微視王之所說以書於言王大悅之一爲請仕其從
兄官昭侯不許有怨色皆策之最下者太史公謂申
子卑卑施之於名實申韓並稱遜吃公子遠矣歷城
馬國翰竹吾甫

申子

周 申不害 撰

明君治國

意林引無此
據御覽補

三寸之篋

御覽引
作機

運而天下

定方寸之基

御覽
作謀

正而天下治

馬總意林卷一
太平御覽卷三百九十

妒妻不難破家亂臣不難破國一妻擅夫衆妻皆亂

一臣專君衆臣皆蔽

意林
卷一

智均不相使力均不相勝

同上
太平御覽
卷四百三十二

鼓不預五音而爲五音主

意林
卷一

百世有聖人猶隨踵而生千里有賢者是比肩而立

同上 太平御覽卷四百一引上二句踵下有而
生二字卷四百二引下二句歐陽詢藝文類聚卷
二十亦引下二句肩下
並有而立二字據補

韓昭侯謂申子曰法度甚不易行也申子曰法者見
功而與貴因能而受官今君設法度而聽左右之請
此所以難行也昭侯曰吾自今以來知行法矣

韓非子外

儲說

申子曰上明見人備之其不明見人惑之其知見人
飾之其不知見人匿之其無欲見人伺之其有欲見
人餌之故曰吾無從知之惟無爲可以規之

慎而言也人且知女慎而行也人且隨女而有知見也人且匿女而無知見也人且意女女有知也人且臧女女無知也人且行女故曰惟無爲可以規之

獨視者謂明獨聽者謂聰能獨斷者故可以爲天下

主

並同上

失之數而求之信則疑矣

韓非子難三

治不踰官雖知不言

同上又空法篇作弗言

韓昭釐侯視所以祠廟之牲其豕小昭釐侯令官更之官以是豕來也昭釐侯曰是非嚮者之豕邪官無

以對命吏罪之從者曰君王何以知之君曰吾以其耳也申不害聞之曰何以知其聾以其耳之聽也何以知其盲以其目之明也何以知其狂以其言之當也故曰去聽無以聞則聰去視無以見則明去智無以知則公去三者不任則治三者任則亂以此言耳目心智之不足恃也耳目心智其所以知識甚闕其所以聞見甚淺以淺闕博居天下安殊俗治萬民其說固不行十里之間而耳不能聽惟牆之外而目不能見三畝之宮而心不能知其以東至開梧南撫多

顓西服壽靡北懷僭耳若之何哉故君人者不可不
察此仁忘仁至德不德無言無思靜以待時時至而
應心暇者勝凡應之理清淨公素而正始卒焉此治
紀無唱有和無先有隨古之王者其所爲少其所因
多因者君術也爲者臣道也爲則擾矣因則靜矣因
冬爲寒因夏爲暑君奚事哉故曰君道無知無爲而
賢於有知有爲則得之矣

呂氏春秋
任數篇

明君治國而晦晦而行行而止止故一言正而天下

治一言倚而天下靡

太平御覽卷六百二十四又卷
三百九十 歐陽詢藝文類聚

卷十九並至

言正二句

虞世

南北堂書鈔卷二十九引末句

君之所以尊者令令之不行是無君也故明君慎之

北堂書鈔卷四十五 藝文類聚卷五十四慎之作慎令

天道無私是謂恒正天道恒正是以清明

北堂書鈔卷一百四

十八藝文類聚卷一

太平御覽卷二

地道不作是以常靜帝以是正方舉事爲之乃有恒

常之道

北堂書鈔卷一百五十七

君必明法正義若懸權衡以稱輕重所以一羣臣也

藝文類聚卷五十四 文選顏延年應詔曲水詩
李善注又鄒陽上書吳王注 太平御覽卷六百

堯之治也善

御覽作蓋

明法察令而已聖君任法而不任

智任數而不任說黃帝之治天下置法而不變使民

安樂其法也

藝文類聚卷五十四太平御覽卷六百三十八

太

昔七十九代之君法制不一號令不同然而俱王天

下何也必當國富而粟多也

同上

豈不知鏡設精無爲而美惡自備矣

徐堅初學記卷二十五白居易

易六帖卷十三矣作也

疑言無成

史記太史公自序司馬貞索隱

四海之內六合之間曰奚貴曰貴土土食之本也

太平

御覽卷

三十七

子曰丘少好學晚而聞道此以博矣

薛據孔子集語

子張見魯哀公七日不見禮托僕夫而去曰臣聞君好口舍重趺來見七日而不禮君之好士也有似葉

公子高之好龍也葉公子高好龍居室雕文以象龍

天龍聞而下之窺頸于牖拖尾于堂葉公見之棄而

爾還走失其魂魄是葉公非好龍也好夫似龍而非

龍者也今臣聞君好士不遠千里而見君七日不禮

君非好士也子張以告夫子子曰彼好夫士而非士

者也

同上 太平御覽卷九
百二十光引蕪子同

